

洪惟仁 2006 年春聯

其一[一樓]

上聯：心正萬川歸大海

下聯：志堅千指不目逃

橫批：雖萬千人吾往矣

【說明】2000 年阿扁仔執政，朝大野小，阿扁仔袂凍伸趂出手，這大家攏會凍諒解。但是阿扁仔真軟弱，不學、無能、失原則，內政成績無及格，政策買票第一名。面對泛藍杯葛束手無策，煞將台灣賣予中華民國，連戰、宋楚瑜繼落去閣將中華民國賣予中華人民共和國，台灣去了了。政治亂，景氣歹，老百姓失業，人民心內有夠鬱卒。佳哉三合一選舉民進黨大敗，阿扁仔敢是知影反悔，喝出「積極管理」个口號，閣任命蘇貞昌做閣揆，予人有卡安心。蘇貞昌即粒電火球仔是真正直閣硬氣个人，相信伊有「雖萬人吾往矣」个氣魄，面對在野黨無理性个杯葛，希望伊袂喪失立場去妥協。

其二[二樓]

上聯：囡兒大漢由他去

下聯：父母小心家自來

橫批：通懷飽湏老來福

【說明】「通懷仔」(thong¹kui⁵)是鹿港話「荷包仔」个意思。兩個囡今年攏咧做兵矣，總講一句大漢矣，做父母个，晟養囡兒，到姻大學畢業，按呢也算是盡了義務矣。囡兒大漢卜按怎著隨在姻啦，飼囡是義務，食老身體著靠老翁婆相照顧，囡兒有孝不孝隨在姻，姻若卜共咱有孝是咱个福氣，若毋共咱有孝，咱荷包仔(ha⁵pau¹a²)貯(te²)予伊飽湏湏，自求多福。

其三[五樓]

上聯：爆竹衝天天有意

下聯：梅花落地地回春

橫批：蕃諸也有出頭時

【說明】火箭炮點著(toh⁸)，著會飛上天，可惜飛到天頂隨時爆炸，這是過去台灣人个命運。這擺台灣人做總統，袂輸爆竹衝天，衝到天頂，火隨 hua¹ 去，敢那是天公咧創治台灣人共款，予台灣人爽快一下仔，著化為烏有。希望梅花落花个時節，著是大地回春个時陣，也著是蕃諸發穎(puh⁴inn²)出頭个時陣。

其四[門扇]

上聯：梅花落地

下聯：蕃薯出頭

其五[門扇]

上聯：好冊加讀

下聯：閑話減講


其六[門扇]

上聯：小人歇喘

下聯：君子出頭

【說明】活佇這個亂世之中，除了隨人顧性命，講幾句仔阿 Q 敲氣(thau2khui3)*話，哪有啥辦法？

其六[春仔]



【說明】 這個春仔包含著「福地福人居，福人居福地」十字。